

ԱՊՐԻԼ 24-Ը ԵՒ ՊՍԱԿԱԶԵԼԻ ԺԱՀՐԸ

Posted on April 22, 2020 by Keghart



Category: [Opinions](#)



Յարութեան Տեր Դաւիթեան, Լոս Անճելըս, 20 Ապրիլ 2020

Պսակածել ժահրը (Corona Virus), գործած ակերներու կողքին, ունի նաեւ «դրական» կողմ մը՝ արծաթեայ աստառ (silver lining) մը, որ մեզ կը մղէ խորհրդածել առօրեայ եւ ընթացիկ մտածելակերպէ դուրս գալու անհրաժեշտութեան մասին:

Մեզմէ շատերուն համար սովորական երեւոյթ դարձած էր Ապրիլ 24-ի առթիւ ցոյցի կամ քայլարշաւի մասնակցիլ եւ հսկումի կամ հաւաքի մը ներկայ գտնուիլ: Երբ այս տարի պսակածել ժահրը մեզի կ'արգիլէ սովորական դարձած այդ արարքները ընելէ, մեզի ինքնաբերաբար կը մղէ մեր Եղեռնի գոհերու յիշատակը յարգելու նոր միջոցներու որոնման, որ իր կարգին դուռ կը բանայ ոչ միայն նոր դիտանկիւններէ զննելու հարցը, այլ ընթացիկէն անդին, խորանալու եւ մտնելու տարագիրներու հոգեվիճակին մէջ: Բայց պայմանաւ, որ հոն չընկղմինք, այլ սարսափի թողած ազդեցութեան տակ, մեր մէջ ամրակայուի անգամ մըն ալ նոյն ճակատագրին չենթարկուելու վճռականութիւնը: Երբ կը յաջողինք այդ ընել, մեր մտածելակերպը օժտած կ'ըլլանք գեղեցիկին, բարիին, վսեմին ու լաւին ձգտելու յաւելեալ ուժականութեամբ եւ վեհութեամբ: Որ բնականաբար իր անդրադարձը պիտի ունենայ մեր անհատական թէ համայնքային կեանքի դրսեւորման մէջ:

Պիտի սկսինք մեզ իրարմէ բաժնող երեւոյթներու վրայ անդրադառնալէ աւելի, կեդրոնանալ մեզ իրար միացնող երեւոյթներու վրայ, որ ինքնաբերաբար պիտի զօրացնէ մեր հաւաքականութիւնը:

Պիտի սկսինք մեր ցաւը մեզի պահելէ անդին, այլ հաւաքականութիւններու ներդրումը շահիլ մեր ցաւի ամոքման գործընթացին, պայմանաւ որ մենք ալ մեր կարգին ցաւակից դառնանք իրենց ցաւին, որ ինքնաբերաբար պիտի զօրացնէ աշխարհի ժողովուրդներու միջեւ սերտակցութիւնը, որ իր կարգին պիտի նպաստէ բոլորիս սպառնացող վտանգներու վնասագերծման:

Երբ մտովի կը փոխադրուինք Եղեռնի տարիներու ժամանակաշրջանը եւ կը փորձենք դոյզն չափով իսկ պատկերացնել այդ արհաւիրքի մէջէն անցնող մեր մէն մի ազգակիցի մտածումները, անկարելի կ'ըլլայ չսահմակիլ անոնց ազդեցութեան տակ: Նախ, ամէն գնով կեանքին կառչելու անհաւասար պայքար, ապա ողջ մնալէ ետք, կեանքը ապրելու, արժեւորելու պայքար:

Կրնա՞ք պատկերացնել կենաց մահու պայքարի մէջէն անցնողի մը երախտագիտական զգացումները հանդէպ անոր, որուն ընծայած փրկութեան լաստին շնորհիւ ան կենդանի կը մնայ:

Ի՞նչ կրնար ըլլալ մեր ազգի ճակատագիրը, եթէ Ամերիկայի Մերձավոր Արեւելքի Օգնութեան (Near East Relief) կոմիտէն չփրկէր տասնեակ հազարաւոր որբերու կեանքը:

Ի՞նչ կրնար ըլլալ մեր ազգի ճակատագիրը, եթէ արաբական աշխարհը փրկութեան օրրան չհանդիսանար Եղեռնէն վերապրած մեր տարագիր ժողովուրդին:

Մեր այս խորհրդածութիւններու գրութեան ժամանակ, պսակածել ժահրը աշխարհի տարածքին իլաժ է աւելի քան 150,000 կեանք եւ «տնային կալանք»ի ենթարկած

աշխարհի բնակչութեան կարեւոր մէկ մասը: Ձեռնած են հրապարակային

բազմահաւար միջոցառումներ, որոնց շարքին նաեւ Եդեռնի ոգեկոչման հաւարներ: Ի տես այս իրավիճակին, Եդեռնի արհաւիրքէն վերապրած աշխարհացրիւ հայ հաւարականութիւնները ի՞նչպէս կրնան իրենց ցաւի նշման կողքին ցաւակից դառնալ նաեւ իրենց շրջանի հաւարականութիւններու ցաւերուն: Մենք Եդեռնէն արիւնարամ չեղանք, շնորհիւ նաեւ բոլոր անոնց, որոնք օգնութեան հասան մեզի: Ժամանակն է, որ ամէն Ապրիլ 24-ին, աշխարհացրիւ հայութիւնը նորովի մօտեցումներով եւ լայնածաւալ ու ազդեցիկ քարոզութեամբ իր երախտագիտութիւնը յայտնէ իր շրջապատին: Այսպիսի նորովի մօտեցման մը գեղեցիկ օրինակը տրուեցաւ հինգ տարի առաջ մեկնարկուած Մարդասիրութեան Չարթօնքի համար «Արորա» մրցանակով: Միջազգային տարողութիւն ունեցող այս ծրագիրը 2016-էն ի վեր կը պարգեւատրէ անհատներ, որոնք մարդասիրական հիանալի աշխատանք կը տանին աշխարհի տարածքին: Այս մրցանակով կը պատուուի նաեւ հայ ժողովուրդի անունը, որպէս երախտագետ ժողովուրդ:

Անցեալ ամիս յայտարարուեցաւ, որ Եդեռնի 105-ամեակին առթիւ, 24 Ապրիլ 2020-ին, տեղւոյս Հայ Կրթական Բարեսիրական Միութիւնը (ՀԿԲՄ), համագործակցութեամբ Ամերիկեան Կարմիր Խաչին, կազմակերպած է արեան նուիրահաւար մը Փասատինայի իր կեդրոնին մէջ: Յոյսով ենք, որ ՀԿԲՄ-ի այս նախաձեռնութիւնը կը դառնայ ամենամեայ աւանդութիւն մը ու կ'որդեգրուի աշխարհասփիւռ հայ հաւարականութիւններու կողմէ:

Օրեր առաջ յայտարարուեցաւ նաեւ, որ Հայոց Ցեղասպանութեան Ոգեկոչման Լոս Անճելոսի Միացեալ Մարմինը, համագործակցութեամբ Ամերիկեան Feeding America հաստատութեան, կազմակերպած է դրամահաւար, 1,500,000 ճաշ հայթայթելու, ի յիշատակ մեր Եդեռնի նահատակներուն:

Մենք կը հաւատանք, որ այս եւ նմանօրինակ բարեսիրական ծրագիրներով, որոնք կը ներգրաւեն նաեւ ոչ-հայ անձերու եւ կազմակերպութիւններու համագործակցութիւնը, մենք աւելի արդիւնաւետ ձեւով նշած կ'ըլլանք Եդեռնի գոհերու յիշատակումը, միաժամանակ նպաստելով հայութեան եւ Հայաստանի անուան մեծարման:

There are no comments yet.